



partii naleraq

Hans Enoksen

21.maj 2015

UPA2015/149

Siunnersuut uunga: Naalackersuinikkut sulinermut aningaasatigut tapiissuteqartarnek pillugu Inatsisartut inatsisaata allanngortinneqarneranik Inatsisartut inatsisaat nr. xx, uu. qqqq 2015-imeersoq.

(Partiinut nutaanut tunngaviusumik tapiissuteqartannginneq. Atuuffiit allat pillugit paasissutissiinngikkaanni qinigaanermut tapiissutisisinnaannginneq. Partiit sinnerlugit aningaasartuutunik ilanngaassisinnaaneq)

21.maj 2015

UPA2015/150

Uunga siunnersuut: Inatsisartunut Naalackersuisunullu il.il ilaasortat aningaasarsiaqartitaanerat il.il pillugit Inatsisartut inatsisaata allanngortinneqarneranik Inatsisartut inatsisaat nr.xx, uu.qqqq 2015-imeersoq

(Inatsisartunut ilaasortat il.il sulinngiffeqarallarsinnaanerannut il.il malitarisassanik Inatsisartut aalajangersaanerat)

Naalackersuinikkut sulinermut aningaasatigut tapiissuteqartarnek pillugu inatsisissami allanngortinneqarnissaannik siunnersuutit marluusut ataatsimut oqaaseqarfigissavagut.

Naalackersuinikkut sulinermi sapinngisamik pitsaasumik sinaakkutaqarluni sulineq pingaaruteqartorujussuusoq ilisimavarput, tassuunami qulakkeerneqartarmat Naalackersuinikkut innuttaasunik sullissinerup isumannaatsumik ersarissunillu malitassaqarluni suliffiunissaa.

Partiinut tapiissutit ukiup affakkaarlugit tunniussisarnissamik nutaamik inatsisissamut ikkussisoqarnera pissusissamisoortutut isigaarput.

Kisianni uani ilaatigut eqqarsaatissatut apuunniarparput Naalackersuisunut ilaasortanngorneq pillugu sulinngiffeqartarnermi ilaasortaajunnaarnerisutunik katersaqarsinnaannginneq eqqarsaatigisariaqartutut isumaqarfigaarput.

Tassami Naalackersuisutut toqqarneqarnermi inatsisartuni sulinngiffeqartarnermut pissutaanerpaajummat Naalackersuisunut ilaasortanngornermi Partii ilaasortanngorfigisaq inatsisartuni sulinissaani nukittorsaanissaq pissutaanerpaajusarmat, Inatsisartoqarnerup nukittorsarneqarnera.

Taamaallilluni politikkimmi sulinerup nukissaqarfiunerunissaa anguniarneqartoq, sulinngiffeqartumut eqquisarpoq tulluarpallaanngitsumik, taava Inatsisartunut ilaasortanngortoq Naalackersuisunut ilaasortanngornermi inatsisartuni sulinngiffeqalernek inummut pineqartumut annaasaqataasarmat.

Tassalu sulinnigiffeqarnerup kingunerisaanik ilaasortaajunnaarnersiutininik katersuinerup unitsinneqartarnera tamannalu tulluarpallaanngitsoq inatsisartunut eqqarsaatissatut apuukkusupparput.

Taava una paaserusupparput Naalackersuisunut ilaasortanut inatsisartunut qinigaanngitsunut atugassarititaasut qanoq ippat? Naalackersuisunut ilaasortanngornermi taava ilaasortaajunnaarnersiutininik katersaqassaaq? Aammalu taava inatsisartunut ilaasortatut aningaasarsianik aningaasarsialerneqassaaq taavalu aamma ilaasortaajunnaarnersiutininik katersaqassavaa?. Taakkua ersarissumik paaserusunnarput.

Tassami inatsisartunut qinigaalluni naalackersuisunut ilasortanngoraanni taava sooruna inatsisartunut gruppimi sulinissaq nukittorsarniarlugu siunnerfigalugulu pissusissamisuunngitsutut tamanna isigalugu eqqarsaatigineqartussatut apuupparput.

Allanngutissatut siunnersuutit tamaasa oqaaseqarfiginngikkaluarlugit sinneri taperserpagut ersarissaanerit sulinermillu eqaannerulersitsisut isumaqatigaagut.